



Broj: JN1 11-03-26-97-45/25  
Sarajevo, 20.01.2026. godine

Na osnovu člana 69. stav (2), tačka d) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) i preporuke komisije za javnu nabavku broj: JN1 11-03-26-97-42/25 od 16.12.2025. godine u postupku javne nabavke roba klase VI –Plakete, značke i medalje, ministar odbrane *donosi*:

**ODLUKU**  
**o poništenju postupka javne nabavke**

**I**

Prihvata se preporuka komisije i poništava se postupak za javnu nabavku roba klase VI – Plakete, značke i medalje (naziv po JRJN: Promotivni materijal, šifra po JRJN: 22462000-6) iz razloga definisanih članom 69. stav (2), tačka d) Zakona o javnim nabavkama, odnosno niti jedna prispjela ponuda ponuđača nije prihvatljiva za ugovorni organ.

**II**

Poništava se Odluka o izboru najpovoljnijeg ponuđača broj: JN1 11-03-26-97-38/25 od 24.11.2025. godine.

**III**

Ovu Odluku objaviti na Web stranici Ministarstva odbrane Bosne i Hercegovine (<http://www.mod.gov.ba>) shodno članu 70. stav (6) Zakona o javnim nabavkama Bosne i Hercegovine.

**IV**

Odluka stupa na snagu danom donošenja a ista će se dostaviti svim ponuđačima učesnicima u postupku javne nabavke.

**O b r a z l o ž e n j e**

Postupak nabavke pokrenut je Odlukom o pokretanju postupka javne nabavke broj: JN1 11-03-26-97-6/25 od 23.05.2025. godine.

Obavještenjem o nabavci broj: 723-1-1-447-3-452/25 od 03.07.2025. godine i Ispravkom za obavještenje o nabavci broj: 723-1-1-447-8-569/25 objavljenom na Portalu javnih nabavki dana 13.08.2025. godine, proveden je otvoreni postupak prikupljanja ponuda za nabavku roba klase VI – Plakete, značke i medalje (JRJN: 22462000-6 Promotivni materijal).

Javna nabavka je sprovedena putem otvorenog postupka uz korištenje e-Aukcije. Procjenjena vrijednost nabavke iznosi 127.689,74 KM bez PDV-a. Vrijednost okvirnog sporazuma 383.069,23 KM bez PDV-a.

Javno otvaranje ponuda izvršeno je u skladu sa članom 63. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) (u daljem tekstu: ZJN BiH) dana 23.09.2025. godine što je konstatovano Zapisnikom o otvaranju ponuda broj: JN1 11-03-26-97-18/25.

Zapisnik sa otvaranja ponuda dostavljen je lično svim učesnicima postupka nabavke.

Shodno Zapisniku o otvaranju ponuda, komisija je utvrdila da su u predviđenom roku za dostavu ponuda pristigle sljedeće ponude:

- „EUROFER“ d.o.o., Dragodol broj 10, 75000 Tuzla,
- „ATEX“ d.o.o., Trg Heroja br. 33, 71000 Sarajevo.

Otvaranje i evaluaciju ponuda (član 63.-68. ZJN BiH) izvršen je istog dana.

***NAPOMENA: Sve nedostatke uočene prilikom pregleda dokumentacije dostavljene u ponudi, komisija je evidentirala i nalaze se u Pregledu dostavljene dokumentacije za robe klase VI - Plakete, značke i medalje broj: JN1 11-03-26-97-19/25 od 23.09.2025 godine i sastavni je dio predmeta broj: JN1 11-03-26-97/25.***

Nakon završene ocjene ponuda, Ministarstvo odbrane BiH (u daljnjem tekstu: ugovorni organ), donio je Odluku o izboru najpovoljnijeg ponuđača broj: JN1 11-03-26-97-23/25 od 08.10.2025. godine kojom je izabran ponuđač „ATEX“ d.o.o. Sarajevo za ponuđenu cijenu 62.500,00 KM bez PDV-a.

Nezadovoljan sadržajem Odluke o izboru najpovoljnijeg ponuđača, „EUROFER“ d.o.o. Tuzla izjavio je žalbu dana 23.10.2025. godine koja je kod ugovornog organa zaprimljena dana 24.10.2025. godine.

Postupajući po žalbi ponuđača „EUROFER“ d.o.o. Tuzla, ugovorni organ djelimično usvoja žalbu žalitelja izjavljenu na Odluku Ministarstva obrane BiH broj: JN1 11-03-26-97-23/25 od 08.10.2025. godine i dana 29.10.2025. godine, Odlukom broj JN1 11-03-26-97-36/25 stavlja van snage Odluku o izboru najpovoljnijeg ponuđača i predmet vraća komisiji na ponovni postupak pregleda i ocjenu ponude.

U ponovljenom postupku, a nakon konačnosti Odluke o stavljanju van snage Odluke o izboru najpovoljnijeg ponuđača broj: JN1 11-03-26-97-36/25 od 29.10.2025. godine, komisija pristupa analizi zaprimljene ponude ponuđača „ATEX“ d.o.o. Sarajevo u okviru ocjene žalbenih navoda iz žalbe žalitelja „EUROFER“ d.o.o. Tuzla, pregledom dokumentacije i uzoraka dostavljenih uz istu u smislu provjere njihove validnosti s obzirom na iskazane zahtjeve ugovornog organa u tenderskoj dokumentaciji i tehničkim uslovima.

Ponovnim pregledom dokumentacije i uzoraka ustanovljeno je da ponuđač „ATEX“ d.o.o. Sarajevo nije ispoštovao kvalifikacioni uslov prilikom dokazivanja tehničke i profesionalne sposobnosti da dostavljeni uzorci iz specifikacije za stavke 1, 5 i 9 moraju biti u skladu sa tehničkim uslovom broj: 11-02-3-861-1/18 od 06.03.2018. godine (7.4.2. pod b) tenderske dokumentacije).

Shodno navedenom i cijeneći da je riječ o kvalifikacionom uslovu koji predstavlja bitan aspekt ponude, komisija daje preporuku ugovornom organu da odbaci ponudu ponuđača „ATEX“ d.o.o. Sarajevo kao neprihvatljivu u skladu sa članom 68. stav (4), tačka i) ZJN BiH jer ponuda nije potpuna i ne ispunjava zahtjeve tenderske dokumentacije.

Postupajući po žalbi ponuđača „EUROFER“ d.o.o. iz Tuzle na Odluku o izboru najpovoljnijeg ponuđača „ATEX“ d.o.o. iz Sarajeva a u skladu sa članom 100. stav (4) ZJN BiH, ugovorni organ stavlja van snage Odluku o izboru i donosi novu Odluku o izboru ponuđača „EUROFER“ d.o.o. iz Tuzle kao jedinom ispravnom ponuđaču u postupku javne nabavke za iznos početne ponude 127.650,00 KM bez PDV-a.

U dispozitivu Odluke o izboru najpovoljnijeg ponuđača broj: JN1 11-03-26-97-38/25 od 24.11.2025 godine, traženo je od izabranog ponuđača „EUROFER“ d.o.o. iz Tuzle da dostavi original ili ovjerene kopije dokumenata iz člana 45. i člana 47. ZJN BiH u roku od pet (5) dana od dana prijema ove odluke.

Pregledom ponuda 23.09.2025. godine, komisija je konstatovala da je ponuđač „EUROFER“ d.o.o. iz Tuzle iskoristio mogućnost datu u tenderskoj dokumentaciji da originalne dokumente ili ovjerene kopije dokumenata iz člana 45. i 47. ZJN BiH kojim dokazuje ličnu, ekonomsku i finansijsku sposobnost dostavi u sastavu ponude.

Uvidom u dokumenta, komisija je ustanovila da ponuđač „EUROFER“ d.o.o. nije dostavio **potvrdu suda prema sjedištu pravnog lica** kojom se zajedno i zbirno sa potvrdom Suda BiH dokazuje da u krivičnom postupku nije izrečena pravosnažna presuda kojom je ponuđač osuđen za krivično djelo učešća u kriminalnoj organizaciji, za korupciju, prevaru ili pranje novca (7.1.3 a) tenderske dokumentacije). Prпуст evidentiran u Pregledu dostavljene dokumentacije za robe klase VI - Plakete, značke i medalje broj: JN1 11-03-26-97-19/25 od 23.09.2025 godine.

Ponuđač je potpisanom i ovjerenom Izjavom potvrdio da je upoznat sa obavezom da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

S obzirom na potpisanu i ovjerenu Izjavu o ispunjenosti uslova iz člana 45. stav (1), tačka a) do d) i stav (4) ZJN BiH, te mogućnosti naknadne dostave validne potvrde suda prema sjedištu pravnog lica u roku od 5 (pet) dana nakon dobijanja Odluke o izboru najpovoljnijeg ponuđača, komisija je smatrala da u fazi evaluacije ponuda, odnosno izbora kvalifikovanih ponuđača, ponuđač „EUROFER“ d.o.o. Tuzla nije učinio veći propust koji bi bio diskvalifikujući, te u svrhu jednakog tretmana svih ponuđača, omogućiti nastavak izbora najpovoljnijeg ponuđača u postupku javne nabavke roba klase VI – Plakete, značke i medalje.

Donošenjem Odluke o izboru ponuđača „EUROFER“ d.o.o. iz Tuzle, u dispozitivu Odluke ponuđaču je data mogućnost naknadne dostave validne potvrde suda prema sjedištu pravnog lica u roku od 5 (pet) dana.

Članom 72. stav (3) tačka a) ZJN BiH definisano je da „*Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač:*

*a) propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ;*“.

Ponuđač „EUROFER“ d.o.o. iz Tuzle nije dostavio potvrdu od suda prema sjedištu pravnog lica ni u sastavu ponude niti nakon isteka roka od pet (5) dana računajući od datuma dostavljanja Odluke o izboru najpovoljnijeg ponuđača broj: JN1 11-03-26-97-38/25 od 24.11.2025 godine.

**Ponuda ponuđača „EUROFER“ d.o.o. iz Tuzle odbacuje se u skladu sa članom 68. stav (1) ZJN BiH jer ponuđač nije dostavio tražene dokaze odnosno dostavio je nepotpune dokaze o ispunjenosti uslova iz člana 45. stav (1), tačka a) ZJN BiH.**

Dana 15.12.2025. godine na adresu ugovornog organa zaprimljena je žalba ponuđača „ATEX“ d.o.o. iz Sarajeva izjavljena na Odluku o izboru ponuđača „EUROFER“ d.o.o. iz Tuzle. Žalba je odbijena Zaključkom kao neuredna u skladu sa članom 100. stav (3) ZJN BiH čime su se stekli uslovi za prihvatanje preporuka komisije date u Zapisniku o radu komisije broj: JN1 11-03-26-97-42/25 od 16.12.2025. godine.

U postupku donošenja ove odluke, posebno su cijenjene činjenice da je komisija, pravilno i potpuno izvršila ocjenu kvalifikovanosti ponuđača u skladu sa kriterijima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke komisije za javne nabavke.

Uvidom u priloženu dokumentaciju, nesporno je utvrđeno da zaprimljene ponude ponuđača „ATEX“ d.o.o. Sarajevo i „EUROFER“ d.o.o. Tuzla nisu prihvatljive za ugovorni organ iz razloga navedenih u Obrazloženju ove odluke, čime su se stekli zakonski uslovi za poništenje postupka javne nabavke.

Na osnovu navedenog a primjenom člana 69. stav (2), tačka d) Zakona o javnim nabavkama BiH, odlučeno je kao u dispozitivu ove Odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Ministarstva odbrane Bosne i Hercegovine u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

**MINISTAR**

**Zukan Helez**

*Dostavljeno:*

- „ATEX“ d.o.o. Sarajevo, tel.: 061/138-113, fax: 033/570-881, e-mail: [info@atexdoo.com](mailto:info@atexdoo.com),
- „EUROFER“ d.o.o. Tuzla, tel./fax: 035/289-688, e-mail: [info@eurofer.ba](mailto:info@eurofer.ba),
- Kancelariji za odnose sa javnošću MO BiH (objava na Web stranici),
- a/a.